

*Ta eo im ewi wawen an naj jelet status in immigration eo ao ne ij bukbu-kot jiban ak komadmid (services) ko?*

Kajjojo armij emaron bok komadmid ko jen Center in Komadmid eo naetan **The Sex Abuse Treatment Center**, armij in lol eo im bare-inwot ro rejjab armij in lol eo. Elane kwojjab armij in United States, ri lol eo an United States, ak eo eto an bed ilo jimwe im jejjet (lawful permanent resident), kwo maron bed wot im jermal ilo United States. Elane kwe ri intan (victim) in jet kain bwod ko, ekoba wawen ko ikkijen sexual abuse (kejekdron maron eo an), ak elane kwe ri intan ibben armij eo belem, ak ajiri, ak jinen/jemen, ak eo ej bok eddro.

Elane kwo naj konan bar melele ko jet kin jimwe ko am einwot juon ri drelontok non lol eo (immigrant) ak kwo mijak in kwalok im report e air kejjekdron maron eo am (sexual assault) non policeman ro, joi im kir tok Nā Loio - Immigration Rights and Public Interest Legal Center (Nā Loio - Center eo naetan Immigration Rights and Public Interest Legal Center) ilo 847-8828, ak toll-free jen ene ko ibelakun im iturun ilo 877-208-8828.

*Kememej -  
Ejjab kwe eo eor ruom  
kinke rej kejjekdron won kwe.  
Ejjab kwe wot iaam.*

*Kim maron jiban.*

**The Sex Abuse Treatment Center**  
**24-Hour Hotline:**  
**524-7273**

This project was supported by  
Grant No. 2005-WL-AX-0005, awarded by the  
Office of Violence Against Women, U.S. Department of  
Justice, and the State of Hawaii, Department of Health.  
The opinions, findings, conclusions, and recommendations  
expressed in this publication are those of the authors and  
do not necessarily reflect the views of the Department  
of Justice, Office of Violence Against Women.

12/06 1M MARSH

**Ta, na juon  
ri intan  
kin air  
kejekdron  
won na ke?**

*Elane eindrein, eor jiban*

**JIKIN KOMADMID NON  
RO EMWIJ KEJEKDRON  
WON IR**

*Juon Program an Jikin Takto eo ilo  
Kapi'olani non Kora ro & Ajiri ro*



**THE SEX ABUSE  
TREATMENT CENTER**

*A Program of Kapi'olani Medical Center for Women & Children*

*Ta, men eo ear walok non io ej kin air kejekdron won na ke?*

Elane juon ear kommon bwe kwon bok kunam ilo kommon ko an sex im jumae konan eo am, ekwe emwij air kejekdron won kwe. Emaron ilo wawen eo an unur im eoeokwe nuknuk ko am, ak emaron eoeokwe iumin nuknuk ko am, bed ibben dron, kommon ko an sex kin loni, kiel yuk bwe kwon unur bar ro jet kin wawen ko an sex ak bar kommon ko jet an sex im ejjelok am melim kake.

*Ak ne in kar bed ibben armij in? Emaron wot ke kin air kejekdron won na?*

Aet. Ilo mol, ekka an eo re jela kajjen kommoni jermal in kejekdron kein. Non wan jonak, ri kejekdron eo emaron leo belen, eo mottan, boss eo an, im eo ejela kajjen, ak bar jet ro kwo jela kajjeir.

*Ejjelok jorren ko non enbwinnu. Ej jermal in kejekdron wot ke kin won na?*

Aet. Ilo elon wot ian case kein ri kejekdron eo ejjab kejerbal juon kein ire ak kejerbal kajoor an enbwinnin. Ijellokin emaron kaamijak yuk, kolelnon yuk, ak mune yuk. Kejerbal alcohol ak uno ko rekajoor ej juon wawen eo ri kejekdron rein ekka air kajejtokjen armij ro me rej tomak bwe reban report e jermal in kejekdron in, einwot, eo belen, juon ajiri, juon ri drelontok non lol eo, ak juon eo ejaje kajin English.

*I lukkun jaje mona, im kiki im jet ien ij ettonak kaamijak nana. Ij einwot ne imijak, ebiuk lemnak e ao. Eymour ke men in?*

Aet. Erkein wawen ko ekka air walok elikin jermal in kejekdron eo kin sex, ijoke kajjojo ri intan (victim) einjuon im ej enjake im lemnake jermal in kejekdron eo kin sex ilo wawen eo an make.

*Ij kennanik ke bamle eo ao ak ro jera im motta bwe emwij air kejekdron won na kin wawen ko an sex?*

Kwon bebe im lemnake won eo kwo konan kennaniki. Ebin bwebwenato kin juon men am makmake, ijoke konono kake non armij ro kwoj leke ir emaron jiban yuk jelmae ien in ebin non kwe. Jekdron ta jemlok eo kwo tobare, kwon kememeje bwe eor am jimwe bwe kwon bed im jokane im jokommon jen jermal in kejekdron kin sex.

*Naij report e ak kwalok ke non policeman ro bwe rar kejekdron won na kin kommon ko an sex?*

Kwon bebe im lemnake elane kwo konan report im kwalok jermal in kejekdron in non policeman ro. Kwojjab aikwij in kommon.

*Ij etal in takto ke elane emwij air kejekdron io ilo wawen eo an sex?*

Elane eor kinej im jorren ko rellab ilo enbwinnum kwon bukot takto kio kio wot. Kir lok 911. Elane kwoj uwata kin am naj bok naninmij ko rekabobo an jiron im likao ak kwo uata kin am naj bororu, kwon bareinwot bukot juon takto.

*Won emaron jiban io?*

Jermal in kejekdron bar juon ej juon bwod nana im eor jiban emaron iwoj non kwe. Ien in emaron juon ien eo ebiuk am lemnak. Kwo maron jab jela ta eo kwon kommon ijoke ejimwe bwe kwon konono kake men in, elab tata ibben armij ro emwij air bok katak ko bwe ren jiban yuk. Center in Komadmid eo naetan (**The Sex Abuse Treatment Center**) emaron kwalok waj non kwe kain jiban rot in, im enaj drebij melele ko am bwe ren nojak wot mae ien kwoj kajjitok bwe melele ko ren lito litak. Elane kwoj aikwij juon am ri ukot ainikiem, naj lewaj juon non kwe ilo ejjelok am naj kollaik wonen.

Kir lok Hotline eo an **The Sex Abuse Treatment Center ilo number in 524-7273** (24 awa juon ran). Juon ian ro uwaan staff eo am enaj lewaj non kwe konono ko im melele ko non jorren rot kein im kin ta eo kwon bar kommon. Kimij lewaj wawen kein:

- Kakolkol eo ejjelok wonen ikkijen jorren in (iloan 72 awa ko im jorren in ear walok.)
- Konono ko im kabilok ko ejjelok woneir ilo ien ko reidrin
- Melele ko kin kelet ko am rejimwe im jejjet

Kememej:

- Jabdrewot melele eo kwonaj jiron kim renaj bed wot im nojak im kon.
- Kwojjab aikwij in kwalok im report e lok jorren in am non policeman ro bwe kwon bok komadmid ko jen ibbem.

*Lemnak ko ikkijen drelon tok? Lale turejet eo juon non melele ko rellablok ilo tibdriker.*